

OREOLE
 CIBOLE
 KOGUI
 DAMANA
 YUKPA
 WAYUNAKI
 ACHAGUA
 ROMANÍ
 ITTE INPAKA
 KINOLA NI DALINGI
 BARÍ
 TULE KICHWA
 WOUNÁN U'WA
 EMBERA HITNÚ CUIBA
 TATUYO TINIGUA PIAROASIKUANI
 ÑENGATÚ GUAYABERO SIRIANO SÁLIBA
 ACHAGUA
 CARAPANA PUINAVE PIAPOCO
 EDUÚRIA TARIANO CARIJONA KURRIPAKO
 NAMTRIK WANANO TUYUCA KUBEO BARÁ
 YANAICONA NASAYUWE DESANO PISAMIRA
 INGA PIRATAPUYO YURUTÍ BARASANO
 AWA PIT. UITOTO TUKANO MAKUNA
 TAWANO
 CABYARÍ COBEGUJE KAMENTSÁ KAKUA YUHUP
 COFÁN SIONA MIRAÑA
 TANIMUKA ANDOQUE
 COCAMA NONUYA
 MUINANE OCAINA
 TIKUNA
 BORA
 YAGUA



SIKUANI

Acuerdo Final para la Terminación del Conflicto Armado

Una publicación de
**La Oficina del Alto
 Comisionado para la Paz**
 y traducida por
MinCultura

PENAMATA XAINAE LIWAI SI

Baja pina Kobierno pitorobiwi Colombianakuatja pijajiwi yajawa FARC-EP monae pijajiwitonübeje (Fuerzas Armadas Revolucionarias de Colombia) kopiaya paepatoyo nakaetuana kaetaxunaetja pekuaikuainexa Cubatomaratja 23 de febreromatakabi, 26 de agostomatakabi 2012 pawaitja. Ikatsia xuakujinae nakaetuana penabarükuaijuainexa xaniawaetsia naliwaisixanebijitsia pepokuene pekopiarutsinexa penabewanapaekuene penamaxüwanitsikuene ata. Baja pina ajenakonoxaeta, daxita Colombianakuapijiwi barüya tsanetsi tsipaji xaniawaetsia jinawanaejitsiatsi bajayajebi.

Nexata xuanexa bajara pamonebeje yanatatsi penaitaxutokaewitsiwi, itsakobierno nakuapijiwi, baitsi Cubanakua pijakobierno yajawa Norueganakua pijakobierno, pijinia baja yanatatsi Venezuelanakua pijakobierno yajawa Chilenakua pijakobierno. Bजारapakuena taxuxuaba pekuaikuaijajawa Oslotomara Norueganakuatja, baitsi pina 18 de octubre pamatakabita 2012 pawaitja, ikatsia baja kaetaxunaetja nakaetuana CubaTomaratja, baja jane xaniajaikuenia pekanawijatsiliwaisi kopiarukaejitsia pewerewerekaenexa penabeliwaisi wajabitsaükuenia, kopatsijitsia unupijiwi, bajarapaliwaisi natokanawijata.

Baja pina 4 pawaijebe kujinae ajena matabijawabelia kopiaruka baja pekanawijatsiliwaisi kobernobeje. Baja jane FARC-EP kopatsijitsia xua baja pijanaeyamaxütonütja jiwibewanapa tsipaji bajayebi ayaimatakabianü üxua taewanapa. Nexata pakuenia pitsapa paliwaisibaxuto ayailiwaisixaneto yakinabuata penawijatsiwi, pewerewerekaenexa xua nabewanapa koberno pijajiwi yajawa FARC-EP baitsi unupijiwi pijawajabitsübeje, .penawijatsiliwaisi baxuto wowaijumeta xaina 297 panania baxutobeje, bajarajota yakina daxitakuene liwaisi, xua baja pakuenia naewetsijitsia, iraliwaisi yabara, baitsi jane waxaitsi wajasikuanijumeta daxita apo pakatoyakinaetsi, tsipaji itsaliwaisixi üpamonaenexa, waxaitsijawaberena bewelia nakaliwaisiruta.

Pekanawijatsiwi pexaniakuenia naliwaisixaitabeje natonakuenebijitsia xaniawaetsia. Tsipaji panakuapijiwi bitso namatawenonatsi pexaniakuenia wajajinawanapaenexa bajayajebi, baja bejumekowünüta xua baja nayakinaruta ayaibaxutotja articulo 22 jawata, pijinia baja itsaliwaisi baxutonütja pexanaliwaisi yakinaruta. Mapaliwaisi baxutotja nayakina daxitamonaenexa petiriwaxi, pejewaxi, waxaitsijiwi, penabejenaewi, peyorotsijiwixitsi pijaliwaisi natopaeba, baitsi baja wajawünamuto xaniawaetsia jinawanaejitsia daxitajiwi.

Ayaibaxutoxaneto xaina 6 paliwaisibeje. 1) Kopiaya iraliwaisi yabara jota jumaitsi: xanebianaliwaisi pebijobikuenia jiwi, irapenakuenebijijiwi. 2) Anijaliwaisijawata jumaitsi: Pitorobi Colombianakua pijaliwaisi yajawa itsamonae pijinia naitorobiana pijajiwitonü (wa) pepenetsikuenia polítikaliwaisi jawabelia bajarapakuena naliwaisixanebianana apounakaemonae tsane baja jane xaniawaetsia jinawanapaejitsiatsi. 3) akueya liwaisi jumaitsi: FARC-EP unupijiwi pijawajabitsaü pekopatsiliwaisi



**Acuerdo
de
Paz**

jiwi pebekuenia pijanaeyamaxütonütja. 4) penayanatsi paliwaisi jumaisi: kokakuenia pebaxunae jukapebeno petubijawa peliwaisi muetsia peubijawa pekanajetsijawa peyabaranabejawa xua kopatsiana. 5) kaekobeliwaisi jumaisi: pamonaewiwixi tobeyejebatsi pijamonae pijabanajiwi ata bajarapamonae pina kobierno pitorobiwi jutsiapaeba petoxanebiliwaisi xaniawaetsia. 6) paliwaisi jumaisi: Penaitaxutokaetsiliwaisi xua baja nakuenebijitsia paliwaisi kanawijata jota yakinabuata.

1. IRALIWAISI YABARA: NATOXANEBIANA PAIRANÜ AYAITOMARANÜ TAJÜYA WEKUA

Peyakatsutsiliwaisi.

Paliwaisi nakanawijata, kopiaya xaina peyaiyataeliwaisi xua kanakuenebijitsia:

- Daxitairaxi pina natoxanebiana najüpaya xaniawaetsia nakuenebiana bajarapaliwaisi, petiriwaxi ata pijaliwaisi rukaena jota. Pexaniakuenia pejinawanaenexa iranakuenebiwi, daxitawirajiwixi, baitsi pebijibikuenia werewerekaejitsia, pijinia baja ajenakonoxae pamonaewinawanapa ayaitomaranüta itsajiwixi jinawanapa beununakuaxiya najupaenabeje.

- Kopiaya pina tonakuenebiana pamonaewinawanapa bitsoyo pijanakuaxiya namatawewnona, bitso pebijibiwixi, yapetiriwaxi, pejewaxinexa, perujuwi ata. Daxitaliwaisi yabara nakuenebijitsia daxitajiwixi yawenonaepaeba, iraperajutsikuenia, peubikuenia xua baja wowaikuenia ira baxaneba, baja jane itsakuenejawaxi nakuenebiana pexaenexa, pekanajetsinexa. Pijabaxikuene, peyakinaekuene, xua peromaebikuenia ata yawenonaenatsi.

- Naliwaisi xanebiana xua baja bijiana pakujinaewinawanapa, pamonaewinawanapa yorotatsi pijanakua wekuawarapena wajabitsaümatatabitja. Pijinia toxanebiana pijaira pamonaewinawanapa apoxaine pijabaxuto ira yabara, tsipaji bajayajebi itsamonae jinawanapa bajara pairatja.

- Daxita pina namatawewnonatsi ira waja ubinexa xua baxanetsi banakalekuenia. Daxita pina bajarapaliwaisi benakuaijuajitsi xua jitsipatsi wajanakuenebinexa Nakua pina xaniawaetsia ewetsianatsi, jota mera xainatsi, unuxi, dajubinüxi ata.

1.1. Ira pexainaekuenia paliwaisi

Pekanawijatsi baxuto xua jumaisi: baja pina pamonaewinawanapa namatawewnona ira, rajutsianatsi amoneya apokomuakae tsane, pijinia baja itsa namatawewnona penakuenebinexa, rajutsianatsi palatabaxuto bepekowaetsiakuene, mapakuenia tsane:

- Kaejawatja iraliwaisi nakaetuatsiana. (Fondo de Tierras)

Baja pina xuanexa namatawewnona 7 millones pahectarea, perajutsinexa pajiwiwixi apoxinaewinawanapa, pamonaewinawanapa tsikiri irayo xaina, bitso pebijibiwixi penamitsaubinexa pexaejawa

bajrapamonaenexa natokaetuatsiana, natsanaena paira namatawenona. Kopiaya pina anijakobeje pawaiabeje kaetuatsiana 3 millones pahectareabeje. ¿Dewerena nakaetuatsiana? Baitsi baja pamona iraxinaewi pebsiakuenia wekuanotsianatsi kobernonexa, pijinia baja pamona ira naxainayaba pesajinaeiranü. Xua ata koberno tsata peewetsinexa naejawaxiliwaisi, bajaxua pijinia notsiana baja. Pairaxi apoubi itsakuenejawaxi, baitsi aponakuenebi, nexata wekuanotsianatsi bajara pairaxi baitsi jane waxaitsimone jume tsane saya itsakuenia iraxainatsi. Isamona pina ayaikuenia iraxinaewi rajutsiana kobernojawabelia xua kuenekajupatsi.

- Pexanebikuenia irapexaineliwaisi

Mapina iraxinawi itsamona apoxinae pijabaxuto irayabara, xua título bajai wowai, nexata pina bajarajota toxanebianatsi, tojukaenatsi irabaxuto natoruta baja 7 millones pahectarea, jiwina toxanebiana.

- Iramatamo Peliwaisi (Catastro Rural)

Bajayajebi pina xua najumatabüxaina pexanebinexa iramatamo liwaisi, matapania ajenakonoxaeta pekanawijatsiliwaisitja, xua baja xanijai tsane. Kaemunicipio kanakujitsia xainaena iramatamoxi. Baitsi jane pamona ayaiiranü xaina pijinia baja ayaikuenia matamotsiana. Baja pina xuanexa namatawenona 7 pawaiabeje pexanebinexa irapexainawi.

- Peubi-iranü xanebiana.

Baja pina itsairaxi yabijiena bajrapamona kokaena peubiwi unupijiwajabitsaünexa, tsipaji nikatabuatapona ayaiunuanü, bajara xua jume tsane, pexaniakuenia bajara pairanü kanakuenebiana, xuanexa pina campesinomona rajutsiana, xua ZRC (Zona Reserva Campesina) baitsi pawowaijiwixi iranakuenebiwitsatsianatsi saikaya pijairayo, pakuenia waxaitsimona Resguardo ira koberno nakatotsata.

1.2. Peyawenona liwaisi tomara tajuya-iranü

Baja pina xuanexa koberno panakua itorobiwi, kanakuenebiapaeba 16 paliwaisibeje peyawenonaenexa iranakuenebiwitsatsianatsi tomaratajüya pewekuajinawanapaewi, jota bajara pa unupijiwajabitsaü bajayajebi jinawanapa, baitsi baja be 100 municipios natoruta. Jota baja koberno pijajiwi apoyawenona wajabitsaü matakabianü. Yajawa nakuenebiana daxitajiwi xaniawaetsia jinawanapaejitsia.

1.3. Pexanebinexa bekaeliwaisikuenia daxitakuene.

Baja pina yawenonaena irakanakujitsia jota namatawenona, peyakinaeliwaisi, peromabiwi pejume exanaetaxunae, namutoxi, baitsi jiwi penakuenebikuene, baja bitso pebijjibi yaniwa, tsipaji bajayajebi kaeto ata koberno apoyawenonaetsi.





1.4. Pexaejawakuene nakuenebiena

Baja pina, tomara tajüyo pejinawanaebi, itsamonaе bijjobi, apoxinae pexaejawakuene, janibo tsaponaе, nexata paliwaisi xua taena xaniawaetsia pexanebinexa, nakaemonaе kanakujitsia natoxainaenapenakuenebikuene penakomuakaenexua xua namatawenona pexinexa. Daxita nakuenebiana nakobena yawenonaena.

2. NABAUPATA PEPENETSI LIWAI SI POLITICA JAWABELIA XANIAWAETSIA WAJA JINAWANAPAENEXA.

Baja pina paliwaisi naxanetsiana tsipaji bajayajebi ünakaemonaе pexainawi itorobawanapa Colombianakua, saya üpamonaenexa pijaliwaisi natoruta. Nexata itsajiwixi palata apopexinaejiwi penajonenexa pitorobitaxünaetja apokuenekajüpaetsi penawünüyakinaejawa jiwi petopenetsinexatsi

Unupijiwi pijawajabitsaü natokanawijata pekopiarukaenexa penabewanapaekuene, baja jane ajenakonoxaeta itsamonaеjiwixi apopexainawi ata, nawünüyakinaena pijinia baja jiwi petopenetsinexatsi. Baja Paliwaisi jumaitsi: petiriwaxi pina tokajüpatsi penawünüyakinaejawa tsipaji üpebijiwi tsabiabi bajayajebi, Itsaliwaisi raja daxitawiria jiwinxexa pamonaе wajabitsaükuenia pekopatsiwi itsa baja xaina pijapartidokuenia xuanexa, nexata bajarapamonaе ata nawünüyakinaena jiwi petopenetsinexatsi Baja pina apoitsakuene tsane pamonaе ata itsaliwaisikuenia najumatabüxaina, apoatiabitsanetsi, apobetsanetsi, tsipaji baja penabeliwaisi kopiaruka baja.

- Liwaisibaxuto pamonaenexa apojumatabüliwaisijüpaе kobierno itorobiwi

Baja pina jota pamonaе itsaliwaisi xaina apojumatabüjüpaе kobierno pijaliwaisi, bajarapamonaе nayaiyataena xaniawaetsia nataena, bajaraxuanexa, itsaliwaisibaxuto jutsiana jota baja itsakuene petoexanaeyaniwatsi. Daxitajiwi raja kuenekajüpatsi penaliwaisi itajütsijawa, pejumaitsijawa xua baja tsita aitotjiatsi pamonaе itorobawanapa, nakuenetaejitsia baja penatoxanebinexa. Xuanexa nakaetuaena paliwaisi jutsijitsia kobierno pijajiwi yajawa unupijiwi pijawajabitsaümi.

- Pewetsiliwaisi pamonaе apojumatabüliwaisijüpaе politicajawabelia

Pebisiakuene petoexanaeyaniwatsi, kobierno pitorobiwi xaniawaetsia pina ewetsianatsi bajarapamonaе itsa baja politicakuene nakuenebijitsia. Tsipaji itsamonaе apojitsipaetsi belia itsakuene toexanetsipatsi. Nexata paliwaisi natoxanebiana xaniawaetsia daxita wajajinawanapaenexa, yapetiriwaxi, daxita wiriasikuani ata, ajibitsane penaitoyaliwaisi política yabara. Xuanexa kobierno pitoroiwi bajara pamonaenexa saikaya toexanaena pewetsiliwaisi,

**Acuerdo
de
Paz**

kobierno Pitorobinü jawabelia maürukaena. Pijinia baja nataena xaniawaetsia pebeyaniwatsi itsamonae penamaxüwanitsiwi penakopatsiwi

Daxitajwi política liwaisi penakuenebijawa tokajüpatsi.

- Pewetsiliwaisi kaebitsaütoyo kanakujitsia penajuanakuenebiwi.

Baja pina daxitajwi colombianakuatja pejinawanapaewi, kaeliwaisixainaewi kaebitsaütoyo kanakujitsia najuanakuenebiana penaewetsinexa, nexata baja ajenakonoxaeta pakoyene kuene nayaitaena xua baja naliwaisinakuenebijitsia pebisialiawaisi yaniwa. Baitsi baja pamonaje: petiriwaxi penaewetsibitsaütoyo, itsamonae baja.

Wajabitsaükuene pekopatsiwi unupijiwi bajarapamonae ata, saikaya itsa xaina pijapartido político .pijaunumakuenia pijinia natoyaiyataena, Xuanexa pina kobierno liwaisibaxuto jutsiapaeba, Jota pina kopiaya naliwaisi jaitsiana daxitamonaewa xua jitsipa kaeunumabitsaüto kanakujitsia. Baja pina naliwaisi yakinanaena xua daxita najumeliwaisi paebiana jiwijawabelia pejumetaikaejawanütja, pejumapetaejawatja ata. Pijinia baja itsa pamonaewa apojitsiapaetsi itsakuene toexanaenatsi penajumekanawiabinexa natorutsiana bajarajota. Baitsi baja kobierno taena xaniawaetsia daxita pijaunumakuenia penaxaenaewi.

- Pebisiakuenia penataeliwaisi política yabara werewerekaepaeba

Itsa baja pebisialiawaisi werewrekaejitsia, nexata daxitajwi pexanaliwaisi natojaitsonianatsi xaniawaetsia wajajinawanapaenexa. Bajaraxuanexa, Kobierno pina exanaena penaliwaisitaejawa pewünü (Consejo Nacional para la Reconciliación y la Convivencia). Bajarapamonae jota kuaikuijai tsane pexaniajumetja nayaiyatena xua najumatabüxaina, baja jane pakuenia najumeliwaisi xanebaponaena xua baja apoxanepanaewa, pijinia baja petsipaebiliwaisi jiwijawabelia nakobena nakuenebiana xaniawaetsia.

2.1. Peewetsiliwaisi daxitawiriamonaewa politicajawabelia penakuenebiwi.

- Pijapersoneria Jurídica yabara.

Baja pina kobierno ewetsiapaeba xaniawaetsia pamonaewa kaebitsaüto kanakujitsia nakuenebijitsia políticaliawaisi, bajaraxuanexa nawijata pabaxutotja pexanebinexa paliwaisi yabara tsipaji itsamonae apopanebabiabi pijajiwitonü (wa) Congresotaxunaetja liwaisi penakuenebinexa, baitsi xua umbral pejai liwaisi toayapübejetsabiabitsi.

- Daxitajwi pepenetsikuenia toyapüxanepaejitsiatsi paliwaisi rutaje:

Baja pijinia, pajiwiwi pijacédulabaxuto apoxinaewa petoayapübejekuene yabara, tajü pejinawanapaewi, bajara paliwaisi nakuenebiapaeba. Pakujinaewa pepenetsitaxunaetja itsa totajütsi



**Acuerdo
de
Paz**

jiwi peponaenexa peyawenonaeliwaisi torutsiana. Pijinia nakuenebiapaeba perajutsinexa pematamo yabara pekanakuenebinexa bajara pamona e ajenaya penakuenebiwi política liwaisi. Petiriwaxi pijinia baja yawenonaepaeba, pamona eata, jota bajayajebi unupijiwi pijawajabitsaü jinawanapa.

☒- *Xaniawaetsia penataeliwaisi política jiwipepenetsi liwaisi yabara*

Pina baja pepenetsi matakabinexa politicaliwaisi, gobierno taena paliwaisije: Narutsiana peliwaisi paebijawa, Itsa baja itsakuene exana, jiwi pepaebinexa nekonikuene. Peewetsiwi pepenetsimatakabi penaitaxutokaewitsiwi. Xua baja exana kandidatowi, itsa baja jiwi jumatabüliwaisi komuaka, nanekonitsiana.

- *Pexanebiwaisi pepenetsikuene politicaliwaisi jawabelia*

Bajayajebi pina bajara paliwaisi pexanebinexa kobierno pitorobiwi najumatabüxaina itsiata apoxanebi, matapania ajenakonoxaeta pekanawijatsikuenia, xua baja natoruta, Tsipaji baja jota nakuapitorobiwi üpamonaenexa natoxaneba, bajaraxuata junabiaba, itsajawata, saya jiwi penetabiaba, baitsi itsajawata peyakinaewi toxanebabibiaba penakobetoxotsiakuenia. Nexata baja bajarapaliwaisi naxanebiana. Xuanexa nakaetuanaena 7 pajiwiwebe penaitokaewetsiwi

- *Itsamonae ajenaya najonejitsia Congreso Camaranexa kaenakua kanakujitsianexa*

Baja pina, ajenakonoxaetja unupijiwi bajarapaliwaisi kanawijata kobierno jawabelia, pina penajonenexa congreso taxunaejawabelia bitso ayaikuenia nejewa, baitsi pajiwiwi tajüwekua tomara jinawanapa. Xuanexa nawünüyakinaena bajarapajiwiwi 16 panakuabeje tsane, 16 pajiwitonübeje tsane yajawa petiriwaxi pejinawanapaewi pijanakuaxiya.

3. UNUPIJIWI PIJAWAJABITSAÜ PEKOPIARUKAELIWAISI JIWI PEBEWANAPAEKUENIA PIJANA EYAMAXÜTONÜTJA.

Baja pina paliwaisi yabara bajarapamona e nakaetuanawanapa penakuenexanebinexa, tsipaji bajayebi pibisiakuene tanetsi pacolombianakuapijiwitsi, bajayajebi nabewanapa Kobierno unupijiwi pijawajabitsaübeje. Jota penawijatsiliwaisi penajumekowünütsinexa naliwaisiyakina daxitajiwi xaniawaetsia najuajinawanapaenexa nayayaitaekuenia xua baja natoxainatsi xua ata najumatabüxainatsi. Xuanexa raja apokaekuenia tsane bejema kopataponana apoyapüxanepanae raja tsipaji daxitajiwi aponajumatabüliwaisijüpaetsi, paliwaisi namatawenona penajuayawenonaewi kobierno pijapoliciamonae pijawajabitsaü, pijinia daxitanakuaxiya pitorobiwi alcaldemonae, kobernadorewi najuataena xaniawaetsia.

Paliwaisi pina piapaliwaisi ayaimatakabianú namatawenona, xuanexa xaina peyanatsinexa panakuapijiwi itsanakuapijiwi ata penaitaxutokaewitsi janiajainexa unupijiwi pijawajabitsaü



**Acuerdo
de
Paz**

peyamaxüitorobi yaniwa. Nexata baja paliwaisi nawijata 26 de agosto matakabi 2012 pawitja, jota nayakinarutaje akueyabi paliwaisibeje: 1) Pekopatsikuene pekopiarukaeliwaisi pijanaeyamaxütonütja jiwipebewanapaekuenia, 2).FARC-EP Pijanaeyamaxütonü pekopatsikuene, 3) pekopiarukaeliwaisi baja daxitajiwikuenia penajinawanaenexa pijanakuaxiya.

3.1 Pekopatsikuene pekopiarukaeliwaisi pijanaeyamaxütonütja jiwi pebewanapaekuenia (CFHBD)

Baja pina penakuenekopatsinexa unupijiwi pijawajabitsaü, xuanexa pakujinae baja najua nawünü katitsiana penawijatsiliwaisibaxutotja presidentenü yajawa unupijiwi pijajiwitonü. Bajarapamatakabi naliwaisikanaropotsiana penajume kowünütaponaejawa baitsi jane xua naexanaena pewajünaya Plebiscito pejailiwaisi pamatakabi daxitacolombiapijiwi pepenetsijitsiamatakabi pejumeliwaisi Pejajai liwaisi ata.

Pina anijaliwaisibeje, pekopiarukae liwaisi CFHBD yajawa DA FARC-EP Pijanaeyamaxütonü pekopatsikuene. Xuanexa kobierno pitorobiwi xaniawaetsia najuataenabeje penakuene xanebinexa pebisialiwaisi yaniwa. Baja pina pamatakabitja kobierno pijajiwi nakueneweretsiana xuanexa peyanatsikuene penaitaxütokaewetsiwi ata. Baja pina be 500 pajiwiibeje tsane üpenaitaxutokaewitsiwi itsanakuapijiwi üwajabitsaü tsane itsanakuapijiwi, kaeyenepanapijiwi jota jinawanatsi. Bajarapamonae baitsi petaewi pexaniakuenia natoexanaejitsia ONU Naciones Unidas jawatja penataewi tsane. Petaewi pakuenia baja unupijawajabitsaü rajutsijitsia ONU jawabelia pijanaeyamaxütonü. Pijinia xuanexa jotapijiwi tsane nakuenetaena baitsi 263 pajiwiibeje unupijiwi FARC-EPmonae pijawajabitsaü, pijinia 263pajibeje tsane kobierno pijawajabitsaü, daxita bajarapamonae pijayamaxütonaexi apokajinawanae tsane.

Baja jane xua pexaniakuenia petopitsapaenexa kobierno pitorobiwi yajawa pamonaе liwaisitaewi, baja FARC-EP pekopatsinexa pijawajabitsaüliwaisi Xuanexa pina 22 panakuabeje kaeepatoyo tsane jota naliwaisi xanetsiana, ZVTN baitsi jumaiti (Zonas Veredales Transitoria de normatización) pijinia baja 6 pataxunaеbeje tsane. Daxita pamonaеbitsaüto penakuenebitaxünae xuanexa xainaena Bogotátomaratja namaürubianaliwaisi 8 pairanakuabeje jota pijakampamentoxaina, xaniawaetsia naliwaisi xaitsijitsia detsapajiwiyobeje xaina unupijiwi pijawajabitsaü penakuenekopatsinexa, baitsi pina 22 panakuabeje tsane penaliwaisitaenexa wowajumeta jumaiti (zonas veredales). Paliwaisi pina 180 pamatakabije xua nakuenebiana.

3.2. FARC-EP unupijiwajabitsaü Pijanaeyamaxütonü pekopatsikuene, baitsi DA jai pabaxuto.

Baja pina FARC-EP. Kobierno pijajiwijawabelia namatajütsiaya rajutsiana xua xaina, pajiyoibeje kerrilerojiwixaina pewünuxi baja tsane, xuakujiane pamonaе petaewi ONU Naciones Unidas pijijiwi juya rajutsiana xua baja taejitsia xaniawaetsia. Xuanexa raja apokaekuenia tsane, kanawijata matakabianü epatoxi. Pakuenia natoruta penajumekowünütsinexa:



**Acuerdo
de
Paz**

- Pakujinae pekanawijatsi liwaisibaxuto, nawünü katitsiana kobernonü FARC-EP pijajiwitonü, jota kanaropotsiana bajara paliwaisi. Bajarapakerrillerojiwixi nubenaena panauatja nakaetuatsiana (zvcn).
- Bajarapamataki kujinae 5 pamatakabibeje jawabelia, FARC-EP monae ONU pijiwijawabelia rajutsiana paliwaisi depamakuania xaina yamaxünaenü.
- Xua kujinae 10 pamatabibeje jawabelia, FARC-EP, rajutsiana jota xaina pijataxünae pijawajabitsaükuenia.
- Baja 60 matakabibeje jawabelia, bajara panaeyamaxütonü towererekae exanae tsanetsi.
- Xua baja kerillerojiwi pijanaexi kaejawatja nawekua jebiana ONU jawatja, apokaekuenia tsane, 90 matakabibeje kujinae, ikatsia 120 matakabibeje kujinae, ikatsia 150 matakabibeje kujinae xua exanaenaponaena.
- Baja jane 180 pamatakabibeje kujinae ONU pijiwi, daxita bajarapanaexi notsiana, itsakuenejawa peexanenexa.

Jota baja paliwaisi werewerekaepaeba, baitsi jane matakabianü xua nakueneba, bajarapamonae pijataxünaexiya, sajinaya jinawanapaena, política liwaisi apoexanae tsane. Plebiscito liwaisi kujinae koberno tojutsiapaeba pijaliwaisinexa pamonaenexa itsa nanekonita.

3.3. Unupijwi FARC-EP monae pijanaexi nejewa najujinawanapaena itsamonae jiwixi yajawa.

- Penajonekuene Politikaliwaisi jawabelia:

Baja pakujinae nakuenekopata FARC-EP, bajarapabitsaütoyo saikaya baja pija partido política liwaisi natoxainaena baja apowajabitsaü tsane, bedaxitajiwikuenia najinawanapaena. Bajaraxuanexa namataxenetsia kanawijata pijapolitica liwaisi.

Toyaiyataenatsi pija partido político liwaisi, pija personería jurídica xainaena, xua umbral liwaisi bewelialia xainaena baja 2026 pawaitja xua kopiarukaena, ikatsia baja itsakuene tsane. Baja pina koberno saikaya rajutsiana bajarapamonae pija politicanexa, pematamo natoruta rabaja kapanepaya 2018- 2022 pawitja pijapresidentenexa senado ata. Xainaena pina 5 pajiwibeje tsane Camaranexa, Consejo electoraljawatja ata xainaena pijajiwitonü petokuaikuainexatsi.

- Penajonekuene, penaxinaliwaisi jawabelia

Baja pina natoxainaena bajarapaliwaisinexa, pewünü “Economía Solidaria del común” Ecomun baja jota nayawenonaena pajiwixi nawekua pitsapa wajabitsaükuenia baitsi FARC-EPpijiwimi. Baja pina jota bajara pajiwixi koberno rajutsianatsi 8 millones de pesos, benakanakuenebinexa, pijinia baja kaejumeto kanakujitsia pijamatamoyo rajutsianatsi. Jota raja yawenonaenatsi pajiwixi yakinaena. Koberno pina jutsiapaeba xua baja pewünü Consejo Nacional de Reincorporación. Bajarapamonaenexa.



**Acuerdo
de
Paz**

- Kobierno pitorobiwi Peewetsiliwaisi itsamonae jawabelia penabewanapaewi

Pamonae FARC-EP baja apoitsakuene tsane tsipaji baja kopiarukaena pijawajabitsaüliwaisi, ikatsia pina aponawaxüwanitsi tsane najumekowünütsiapaeba. Baitsi jane itsa jiwibitsaütoyo apokopatsi abaxü jiwi pebewanapaewi, bajarapaliwaisinexa, kobierno xania baja taena xaniawaetsia pijajiwi peewetsiliwaisi itsakune yaniwa nakuenebiana.

4. 4. KOKANAEBENO PEKANAKUENEBIJAWA FARC-EP KOPATSIANA

Mapina jota kobierno pijajiwi yajawa FARC-EP pijajiwi naliwaisijaita pekanawijaitsiwi, baja xua pijinia werewerekaejitsia, tsipaji bajarapaliwaisi yabara nabewanapa nakobekaüwapona palatabaxuto xua pekanajetsijawa ayaikuenia pematamo, baitsi jane bajara pabaxunaepebena juka itsanakua pijijiwi petubinexa ayaikuenia kanajeta, komuaka pijanaeyamaxütonü, pewünü wowaijumeta “narcotráfico”. Nexata ajenakonoxaeta bajarapaliwaisi ajibi tsane, peubiwi bajara pabaxunaexi juya baja itsakuejawanü nakuenebiana peubinexa toxanebianatsi. Xuanexa pina paliwaisianü kobierno nakuenebiana:

4.1 Peajibiaexanae liwaisi penakuenebikuene kokabenonaexi, itsakuene peubinexa

Baja pina paliwaisi ajibiexanaetsane tsipaji xua yabara itsamonae nabewanapa ajenakonoxaeta paliwaisi nawijata peyawenonaenexa pebijibijiwixi pamaonae apoxinae pepitsi jawabeia itsakuenematamoyo üxua ubawanapa bajayajebi penamatamoxaenexa.

- Kobierno pitorobiwi xuanexa exanaena pewünü PENIS (Programa Nacional Integral de Sustitución de Cultivos de Uso Ilícito) bajarapaliwaisi naxanebiana yajawa iraliwaisi xua kopiaya nayakina, itsakuenejawa peubinexa bajarapajiwixi
- Kobierno naliwaisi jaitsiana peyawenonaenexa penakuenebiwi bajarapanaexi nawekuakopatsijitsia, baja ikatsia penakuenebi yaniwa. Kopiaya yawenonaenatsi pexaejawakuene bekaewai, rajutsiapaeba peyajawa nakuenebijawaxi, pabikuenia, dajubinüxi pewiotsinexa.
- Pamonae abaxü ubaponaenaena apoajibiaexanae tsane, kobierno pijajiwi toyatabutopa ukubiana pekobeta, itsa jume tosubianatsi peajibinexa.
- Peyawenonaeliwaisi kobierno jutsiana pewünü PISDA baitsi Planes Integrales de sustitución y Desarrollo alternativo).

4.2. Peyawetsiliwaisi kokanaebeno petubikuenia

Pekanawijatsiwi yapütane pakuenia baja paliwaisi jiwi petubiwi bajarapanaebeno naxuabenapona, itsamonae romaebaponatsi wayana yapijajaniya. Nexata baja üpeubikuene apobetae saikaya, xua ata namatawenona peyawenonaenexa petubijiwixi. Pina xuanexa kobierno pitorobiwi exanaena peewetsiliwaisi pewünü (Programa Nacional de Intervención Integral frente al Consumo de

Drogas) jota pina nataena paliwaisi, yorobiana xaniawaetsia jutsiana pejanaliwaisi pakuenia nakuenebijitsia bajarapaliwaisi.



**Acuerdo
de
Paz**



4.3. Pexanebiliwaisi muetsia pekanajetsikuenia kokabenobaxu.

Kobierno pitorobiwi nakuenebiana pewerewerekaenexa penakuenebikuene muetsia paliwaisi tsipaji apoücolombianakuapijiwi xua kanakueneba, itsanakuapijiwi raja pekomuakaewi ayaikuenia matamoruta, nexata itsamonae nabewanapa pekanajetsiwi muetsia kokabenobaxu pebisajumatabükuene liwaisixainaewi xua yabara jiwi bewanapa nexata kobierno pijajiwi xua baja taena pekanajetsikuenia muetsia, pematamokiatsijawa ata. Nexata paliwaisi nawijata xuanexa:

- Pamonaie kanajetawanapa muetsia, kobierno liwaisi tojutsiana penekonitsinexa jota jinawanapa yapüjajitsiana, pe-etsinexa nekonibota
- Kobierno tonakuenebiana paliwaisi penanekonitsiwi xua yabara tonotsiapaeba xua xaina, pijairaxi itsa xaina, pijaboxanetonü, itsakuenejawaxi baja tsipaj bajaraxuanü xaina pekiatsimatamo palata pebenokanajetsijawa muetsia.
- Kobierno taena xaniawaetsia jota komuakabiaba peyakanakuenebijawa pejukaenexa kokabeno.
- Liwaisi paebiana itsanakuapijiwi jawabelia xua yabara exana nayawenonaiejitsia, baitsi, Colombia pijakobierno xanebiana paliwaisi yabara yajawa itsanakuapijiwi.

5. PEYAWENONAELIWAISI PAJIWIXI TOBEYAXUABATSI ITSAKUENE EXANATSI PIJAMONAEJIWIXI PIJAWAJABITSAÜBEJE PEJUMATABÜKUENETA.

PEJUMATABÜ LIWASIXANEBIJAWA, XANIJAIKUENE, NEKONIKUENE PAMONAENEXA XUA EXANA IKATSIA BAJA XUA APOITSI TSANE.

Kobierno FARC-EP, pijajiwibeje paliwaisi kanajumatabüxaina pekanawijatsi matakabianü. Penajuaxanebinexa peyawenonaenexa pajiwixi pijamonae tobeyaxuabatsi pijawajabitsü pejumatabükueneta. Apoyapüxanepanae raja ayaimatakabianü jiwibewanapa belia baja naitabarakuaijuajai, baja penakuene xanebinexa.

Jota baja anijaliwaisibeje natoruta: 1) Bajarapajiwixi jiwikuenia pijaliwaisixainaewi totaenatsi, 2) Xanijaikuene yorobiana. Nexata kopiaya natojuta peyaiyaeliwaisi be pekatsutsujawa pakujinae nakuenebijitsia.

- Kobierno FARC-EP beje Nakuenetane xua exana pijawajabitsaübeje pajiwixi pijamonae tobeyaxuaba pejumatabükueneta najuananekonitabeje raja. Baja panekonikuene apokanawijatsi tsane najuajajitsinabeje paliwaisi yawenonaiejitsia.
- Bajarapajiwixi kuenekejüpatsi penakuaijuajainexa jota nakueneba paliwaisi. Pijinia baja tsipaebianatsi xanijailiwaisi dexua yabara pijamonaejiwi tobeyaxuabatsi, jipatsa itoroba, jota mütjütabuata itsaliwaisixi baja. Depakuenia metja xua toliwaisixanebianatsi pejumatabübejajawa, tsipaji banakatoatane bajayajebi üpitoyakuene banajumatabüxainatsi. Bajarapajiwixi totaenatsi xua baja itsakuene petoexanae yaniwa itsamonae.

**Acuerdo
de
Paz**

- Pakujinae natoxanebiana paliwaisi, ikatsia baja apoexanaetsane tsipaji apoyapüxanepanae wajanakofünutsijawa sajina baja üpejaitsinexa paliwaisi jumatabüxanepanaejitsia bajarapajiwixi, tsipaji jiwi pebekuenia apoxanepanae daxita najüpaya benayaiyatanetsi xaniawaetsia baja wajajinawanapaenexa.

Jota wowaijume VICTIMA jai, baitsi, daxita pajiwiwi pijamonae tobeyaxuabitsi, itsakuene toexanatsi wajabitsaü penabematakabi, unupiji kobierno pijiwixi, masetomonae ata.

Bजारapajiwixinexa victimajiwixi kobierno exanaena jota kaejawatja naliwaisibuatsiana baja jane jumatabüliwaisi xanebiana taena xanijaikuene, nekonikuene toexanaejijitsia pamonaebijianatsi pijaliwaisi, ikatsia baja xua apoitsi tsane.

Jota jaita daxitakueneliwaisi xua exana pakujinae FARC-EP yajawa kobierno pijawajabitsaübeje nabewanapa, bajara paliwaisi jumatabüxanebijitsia tsipaji ayaikuenia jiwimonaenü tüpa itsamonae ajibiaexanatsi, itsamonae kübatsi, itsamonae yakaranabatsi yapijani baja, itsamonae pijaira wekuapona peyorotsikuenia, bajarapajiwixi pejumatabü xanepanaekuenenexa nakuenexanebiana. Yaewetsianatsi pajiwiwi xua nakuenebiana, tsipaji jaitsiana ayaikuenia, daxitajiwixi colombianakuapijiwi xaniawaetsia waja jinawanapaenexa xua nakuenexanebiana, ikatsia baja jiwipebekuenia xua baja kopiarukaena. Pijinia baja jota nakuenebiana 5 paliwaisibeje

- 1) Naexanaena komisionpijiwi pekaetuatsiwiliwaisi pejaitsinexa xanijailiwaisi xua yabara jiwi beyaxuaba.
- 2) Naexanaena pejaitsiwi pamonaebijianatsi wajabitsaümatakabi.
- 3) Naexanaena jota nakuenebiana daxita xaniawaetsia wajanajuajinawanapaenexa
- 4) Nakuenebiana jiwi peyabaraxanebiliwaisi daxitakuena.
- 5) Pe.ewetsiliwaisi xua ikatsia apoexanae tsane.

1. Komisionpijiwi pekaetuatsiwiliwaisi pejaitsinexa xanijailiwaisi xua yabara jiwi beyaxuaba.

Baitsi jota pakomisionpijiwi nakuenebiana saikaya üpaliwaisi kae-epatayo nekonikuene apoexanae tsane. Penaliwaisijaitsinexa xua yabara beyaxuaba jiwi, kaenakua kanakujitsia naliwaisi jaitsiana, xuajiwipaeba kaetuatsiana liwaisi penayapütaenexa, pakomisionpijiwi akueyabi paliwaisibeje nakuenebiana:

- Paliwaisi jaita saya penayapütaenexa xanijaikuene xua baja toexanatsi wajabitsaü matakabi, petiriwaxi, daxitawiriasikuanijiwixi, petsaebiawi, pakuenia bijiobiexana pejewaxi, pewüxüatonü, pejanawaxi; xua baja tsipaebiana daxita colombianakuapijiwi pexaniakuenia peliwaisimatayatsijawa.
- Yapütae-exanaena, itajütsiana paliwaisi pamonaebijawabelia pebisiakuene toexanatsi, tsipaji baja jiwikuenia bitso bijiobiexanatsi, ikatsia baja bepitsikuene apobe.exanae tsane kaeto ata.



**Acuerdo
de
Paz**

- Natae-exanaena pexaniakuenia, nayaiyataena daxitajiwi kaenakua kanakujitsia penajuajinawanapaewi, piataejitsibikuene ajibi tsane, jiwi najumatabüxainae-exanaena pexanaliwaisi jawabelia. Nayaitaya najumetaena pajiwi xua toexantsi, pajiwi paeba xua tane.

Pacomisionpijiwi xainaena 11 pajiyojebe, bitso peyapütaewi peyaiyataewitsi jiwi, pexaniakuenia petonakuenebiwi, tsibaji baja peyapübejeliwaisi nakuenebiana. Bajarapamonae nakuenebiana 3 pawaijebe tsane, kaenakua kanakujitsia jota bitso jiwi beyejebatsi jota xaitsiana liwaisi, jiwikaetuatsiana pepaebinxaxua toexantsi.

2. Pejaitsiwi pamonaе ajibiaexanaetsi wajaBITSaümatAkabi

Jota nakuenebiana paliwaisi bitso peyapütaewi peyaiyataewitsi, pexaniakuenia penakuenebiwi, baitsi jota bajarapamonae jaitsiana paliwaisi abaxü aponayapütae pajiwiwi ajibiaexanatsi wajaBITSaümatAkabi. Petüpaеjiwiwi pijamonae jawabelia pijasitoxi tokanawiabiana, tsipaebiana pakuenia beyaxuabatsi, dexua yabara. Pamonaе irawekua pona peyorotsikuenia bajarapamonae ata liwaisi tonotsianatsi petoxanebinexa.

3. Jurisdicciónliwaisi Paznexa

Baitsi xua naexanaena pexaniakuenia pejinawanapaenexa daxitajiwi pacolombianakuatja, baja pina xuabeje nakuenebiana, pekayanijobiliwaisi xua jaita, Pamonaе pibisiakuene exana nekoniliwaisi torutsianatsi pakuenia wajaliwaisi colombianakuapijiwinexa yakinaruta ayaibaxutotja. Nexata baja xuanexa jota 5 paliwaisibeje nakuenebiana.

4. Peyaxanebi liwaisi daxitakuenia Paznexa.

Juezmonae pijaliwaisi: Bajara paliwaisinexa jota 25 pamagistradobeje panakuapijiwi itsanakuapiji ata bajarapamonae matakaponaena bajarapaliwaisi. Yorobiana piayainekoniliwaisi, bajarapamonae wünüjonaenatsi, ONUpijiwi, Corte suprema de Justicia, itsajawanü baja wünüjona baxutotja.

Pamonaе nekonitsianatsi: Majota kopiaya totaena pamonaе nawekuakopata kerrillerokuenia, ikatsia baja kobierno pijawajabitsaü penanekonitsiwi xua itsakuene exana pakujinae nabewanapa unupijiwi jawabelia. Bajarapamonaеbeje xaniawaetsia pijanekoni totaenatsi. Kotokaewa baja totaenatsi pamonaе nanekonita peyawenonaewi palatabaxuto perajutsiwi unupijiwi pamatakabi jiwibewanapa.

Xanijai liwaisi pepaebiwi: Pamonaе pina bitso ayaikuenia exana itsa baja nakuenebaеba pijakuata bajarapa parisdiciónliwaisi ewetsijawabelia, xaina pina bewelia pawaijebe peetsinexatsi nekonibonütja. Pamonaе pina afejaitsane saya aponakuenebaеbi tsane, nexata baja itsiata tojaitsianatsi pija liwaisinekoni, baja jane etsiansi nekonibotja be 20 pawaijebe tsane. Xua jumatsi ayainekonikuene: jiwibitsaüto pebewi, jiwi pebijiobirajutsiwi pakujinae Kütejeba, petiriwaxi kenetsiatane, pejewaxi petaikaewi kerrillero peexanaenexa, itsaliwaisianü baja tsaponaе.



**Acuerdo
de
Paz**

Amnistialiwaisi tsane: Baitsi baja pamonaewewelia nekonixaina, pijanekoni bewelia totaenatsi baitsi panekonikuene politicaliwaisi yabara itsa panekoni tajünakuapijiwi apotoitsakuene, nexata bajaraxuanexa pakujinae baja xua Plesbicito liwasi votaciónmatakabi panepaena, kobierno itorobinü jukayapaeba congresojawatja amnistialiwaisi pakerrillerojiwinexa penakuenekopatsiwi pijinia kobierno pijawajabitsaünexa. Baitsi jota apokajüpae jota bitso piayainekoni pexanaenaewi.

Nekoniliwaisi pakuenia etsianatsi nekonibotja: Pamonaewepina baja nakueneyapütane xua exana ayainekonikuene JEP (Justicia Especial para la Paz) pe.ewetsiwi jawabelia.

- Itsa nakuenepaeba xanijaikuene, bajarapamonaewebaja 5 baja 8 pawaiabeje kaekowütja jinawanapaena apopitsapae tsane itsanakuajawabelia, jota yawenonaena penakuenebijawa pejukaejawa xua wajabitsaü mütjüka pebejawanü, kokanaexi peukubijawa nakobenaukubiana.
- Pamonaewebexüa nanekonipaeba, baja jane nekonibotja etsiana bewaja 5 baja 8 pawaiabeje tsane.
- Pamonaewebaja aponaliwaisi paebi, afejai baja bitso nekonikuene xaina, nexata bajara pajiwi nekonibotja etsianatsi bewaja 15 baja 20 pawaiabeje tsane.

4. Peyaxanebi liwaisi daxitakuenia Paznexa.

Baja paliwaisi kobierno pijajiwi nakuenebapona beaxayo, ajenakonoxaeta xua baja nakanawijata paliwaisi, jota nakuenebiana paliwaisibeje:

Peyapütaewexanaejawa jiwijawabelia xua baja nakuenetane pebijianaejawa jiwijawabelia, natoxanebiana penanekonitsiwi, jukaena pemütjükaejawa, xanebiana pebijianaewetomaraxi, ukubiana kokanaexi, bajarapakuenia nakuene itajutsiana. Nakuenebiana xua baja paliwaisi yawenonaena jiwijawabelia, penawiabinexa pijanakuajawabelia, ira petokanawiabi liwaisi. FARC-EP pina bajarapamonaewepijinia baja jota peyabijianaewijiwi naliwaisixanebiana yawenonaena jiwi.

5. Pe.ewetsiliwaisi xua ikatsia apoexanaewtsane

Baitsi jota nawijata paliwaisi, bajarapamonaewFARC-EPmonaewnakuenekopatsiana, baja ikatsia xua apoitsi tsane, tsipaji baja nakuenetane bitso bajayajebi jiwibewanapa jamutabü itonota, jiwi apojumatabüxanepanaew, nakuaxiya yabijianawanapa.

Daxitaliwaisi xua yabara yakinaruta 3 paliwaisitja, pekopiarukaenexa bajarapaliwaisi, baja xua yaniwa, nawijata iraliwaisi, políticawliwaisi, kokaliwaisi pekopatsijawa, itsa baja xua najumekowünütsiana akuenebi baja ikatsia penamaxüwanitsijawa, apoxinaewtsane xua yabara ikatsia penabenexa.

6. PEKANAKUENEBILIW AISI PENAITAXUTO KAEWITSIJAWA PENAWIJATSI LIW AISI

Kobierno pitorobinü yajawa FARC-EP xua jota naliwaisikanawijata pekowünütsinexa abaxü sajina daxita Colombia nakuapijiwi pepenetsinexa jejai jume /jume pejaijume pewünü plebiscito, itsa bajaraxua panepaena, kanaropotsiana penaliwaisi kanakuenebijawa, tsipaji xua baja daxitajiwiwi ewetatsi baja jane wajajinawanapaenexa pexaniakuenia wajanakuata.



**Acuerdo
de
Paz**

Paliwaisi apoyapüxanepanae penakuenebija namatawenaena ayaimatakabianü wajamomoxi xua taena wajawünamuto. Pekanakuenebinexa mapaliwaisi namatawena 10 pawaiabeje, jota baja daxita Colombiapijiwi pejanaliwaisi wajabitsaümatatakabi kujinae, mapaliwaisi natonakuenebiana:

6.1 Pekowüya petaejawa paliwaisi nakuenebijitsia

Natoxanaena xuanexa penakaetuanaejawa pewünü *“Comisión de Implementación, Seguimiento y Verificación del Acuerdo Final de Paz y de Resolución de Diferencias”* 16

Xua naexanaena pamatakabi kujinae kobierno –FARC-EP beje nawünü katitsianabeje penawijatsibaxutotja, jota pina nakuenebiana akueyabi pajibeje Kobierno pijajiwi pijinia FARC-EP xainaena jota akueyabi pajiwiabeje, kopiaya pina 2019 pawita, itsa jume 10 pawaiabeje tsane itsa namatawena ikatsia

Jota bajarapamonae yorobaponaena taeponaena xaniawaetsia xua baja nakuenebapona pekanawijatsi liwaisi. Bajara pakomisión pijiwi, yakinaena liwaisi baxuto jota natorutsiana 10 pawaiabenexa, baja ikatsia xua CONPESnexa, baja naliwaisi kajonena pitorobiliwaisi jawabelia kaenakua kanakujitsia pewünü *“Planes de Desarrollo”*

Jota pina kopiaya kobierno 12 pajuametobeje, jukaena pejumekowünütsiliwaisi daxita jiwixena, baitsi xua LEY bajai, Congreso jawabelia, paleyexi namatawena.

6.2 Pekuenia penaitaxutokaewitsi liwaisi exanaena

Pakujiane baja paliwaisi nakuenebaponaena, xuanexa exanaena paiwaisianü *“Depakuenia xua taeponaena”* jota raja itsanakua pijiwi najonena, pamonaen jota naitaxutokaewitsiwi tsane. Jota raja pamonaen yanata pakujinae paliwaisi nawijata Cubanakawatja, Habanatomaratja, baitsi baja Noruega pijakobiernopijiwi, Cuba Pijakobiernopijiwi, Venezuela pijakobiernopijiwi, Chile pijakobiernopijiwi. Itsamonae baja jota wünürubatsi, peyakinaewi liwaisi baitsi *“Instituto Kroc de la Universidad de Notre Dame”* (Estados Unidos), politicokuene panakuenebiwi, ONU pijiwi baja tsane.

Bजारapamonae taepona xua baja jumekowünütapona pekanawijatsiliwaisi, yawenonaena paliwaisi abaxü aponakuenebikapanapae kanaüjübiana paliwaisi taepona penakuenebijawa, tsipaebaponaena xua baja nakuenebapona xaniawaetsia xua toabejetsi. Bajara paliwaisi nakuenebiana akuyabi pawaiabeje tsane.

6.3. Tajüpijiwi itsanakuapijiwi Peyanatsiwi tsane

Pakujinae xua nakuenebiana itsamone tajüpijiwi, xua petaewiliwaisi tsane pijinia nayanatsiana, xua baitsi xaniawaetsia nakuenebijitsia, yayatena Colombia penaxainaeliwaisi xua ayailiwaisibaxutotja yakinaruta, baja daxitaliwaisi xaniawaetsia pitsapaejitsia xua Kobierno FARC-EP beje nawijata bajarapamonae pina xua yayataekuenia nayanatsiana.

- Bजारapamonae yanatsiana xua nakuenebapona pexaniakuenia yayataena pijaliwaisi pakuenia Colombianakua pijajiwi ewetapona.



**Acuerdo
de
Paz**

- Nayaiyataena xaniawaetsia xua exana kobierno pijiwi
- Nayawenonaena paliwaisi yapütane, xua exana itsanakuajawatja babepitsikuenia penaliwaisi xanebijawa wabajabitsaüliwaisi kujinae.

6.4. Pakuenia Refrendación – blindaje liwaisi naexanaena

Baja pina penakuenebinexa paliwaisi kanawijata jota yakinaruta, namatawenona anijaliwaisibeje. Kopiaya politicaliwaisi jawabelia, baitsi baja jota daxita colombianakuapijiwi tojejai tsanetsi itsajume jume jai tsane, xuanexa baja naexanaena ajenakonoxae “Plebiscito” pejai liwaisi, baja pina xuanexa 2 octubre matakabi jiwi penetsiana votaciónkuenia exanaena. Saya üpeyanijobiliwaisi tsane, jota jiwitonü apotopenetsi tsanetsi.

Itsaliwaisi raja xua “Blindaje” pejai liwaisi, baitsi jota namatawenona pejukaenexa pitorobiliwaisi xua “Jurídica” bajai, jota baitsi bajuka pejumekowünütsiliwaisi, xua leyes bajai wowai. Najualiwaisibeje namatawenona baja jane xaniawaetsia nakuenebijitsia pexaniakuenia penawijatsiliwaisi wajajinawanapaenexa daxita Calombianakua pijiwitsi.

7. DAXITA WIRIASIKUANI JIWIXI PETSABIAWI YAJAWA SAIKAYA PIJALIWAISI

Penamataxainae liwaisi

Baja pina Colombia iranakua pitorobiwi yajawa unupiwi pijawajabitsaü, nakayakuene pütane pakuenia daxitawiria waxaitsimona, naewetatsi xaniawaetsia bajayajebi pexaniakuenia daxita jiwineka panakuapijiwi. Itsiata pebisaliwaisi aponajumatabüxainatsi, wowai kajena bitso nakabijjobirajuta ayaikuenia, nakayaküjüruba waja irana kuaxi, itsajawata wabajabitsaükuenia nakayorotapona. Nexata ajenakonoxaeta pamatakabianü nakayaiyataena bajarapawajabitsaü pakuenia jinawanapatsi wajanakuaxiya.

Peyaiyataeliwaisi

Baja pina paliwaisi baxutota xua baja kopiarukaejitsia penawerebikuene penabewanapaewi unupijiwajabitsaü yajawa kobierno pijiwajabitsaü, nakaliwaisinotsiana daxita wiriajiwi, xua baja paliwaisi xainatsi waja naewetsinexa xaniawaetsia, daxita nakuapijiwi, ikatsia baja penabekuenia apoitsitsane bajarapamona; Baitsi baja bajarapaliwaisi nayaiyataena daxitanakuaya tsipaji itsamona pexaniali waisi kanakueneba, petiriwaxi ata peyaiyataeliwaisi. Pijinia baja nayaiyataena daxitajiwixi pijakuene, penaitorobikuene, penayanijobiliwaisi, wajakuaikuaikai kuene xua najumatabüxainatsi, wajakanaüjübilwaisi ata; waja iraliwaisi yabara, waja ewetsikuenia wajairaxi yajawa pairaxi xaninatsi salinae werena bajarapamoe nakatokanawetsiana, jai raja paliwaisi.

Penaewetsiliwaisi pexaniakuenia.

Baja pina nayaiyataena xaniawaetsia penayanijobiliwaisi jiwijawabelia, tsipaebiana pitapenenekuenia kopiaya xua baja kanakuenebijitsia pekanawijatsiliwaisi mapabaxutotja xua yakinabuata. Pijinia baja jota kanakuenebianana petiriwaxi pijaliwaisi, pejewaxi, pewüjüatonü daxita baja yaperujujiwixi bajarapaliwaisianü nayaiyatena naewetsiana xaniawaetsia.



**Acuerdo
de
Paz**

Pexanebikuenia iraliwaisi

Baja pina, pakujinae iraliwaisi xanebijitsia xua kanawijata, nexata pina wajaitsijawaberena daxita wiriajiwixi, nakatotaena xaniawaetsia pakuenia wajukenne liwaisi xainatsi ira yabara. Tsipaji baja salinaewerena wajamonaemi nakatopuenete waja jinawanapaenexa xaniawaetsia, wajukenia ira iraewetatsi bajayajebi akuenebi bajarapamonae wowai waja nakayakürübaponaejawa, pibisiakuenia baja kopatsiana, nakayaiyataena tobejena baja bajarapamonae wowai waxaitsijawaberena nakayaiyataena jiwikuenia nakataena, xua rabaja liwaisi natoyakinabuata.

Ira pekaetuatsiliwaisi kaejawatja

Baja pina pakujinae nakuenebijitsia ira pekaetuatsiliwaisi kaejawatja, nexata xua tsanaena waxaitsimonae nakawunünüyakinaena pajiwixi namatawenona ira, penarajutsinexatsi, itsamonae pijaresguardonexa penamataropotsinexa ira. Baja pina waxaitsimonaenexa, nakatotaena pakuenia nakua xainatsi wajukenia baewetatsi nakua pijajawaxi bajarapaliwaisi nakatoyaiyataena. Xuanexa baja pina xaniawaetsia natokuaikuaijai tsane, pematakaponae wi jwi ewetsiwi pexanebeliwaisi ira yabara.

Pekanakuebiwaisi Ira Yabara

Baja Pina pakujinae nakuebijitsia iraliwaisi yabara, itsajiwixi pijaira tonakuenebijitsia, kopiaya naliwaisi yanijobiana pejinawanaejiwixi bajarapanakuatja, baitsi baja totaejitsia xua jitsipa bajarapajiwixi, petonakuenebinexa xua penaewetsinamutoliwaisi najumatabüxaina pexinexa pewünamutuayabelia.

Jiwi penakobena kuakuajailiwaisi participaciónliwaisi

Baja pina pakujinae kanakuenebijitsia daxitaliwaisixi xua baja kanawijata mapabaxutotja yakinaruta, daxita wiriasikuanijiwixi nakabarükuaikuaijai tsane. Baitsi xua ruka anijaliwaisibeje pijinia nataenatsi xua baja exanaejitsia politicaliwaisi jawabelia, baitsi pakujinae wowaimonae nawünüyakinaena pepenetsinexa saikaya, itsabaja wajanakuata bajara paliwaisi ruka, nexata pina waxaitsimonae ata nakatokajüpa wajajiwitonü, wajajiwitowa ata, penawünüyakinaejawa.

Penaewetsikuenia itsakuene yaniwa.

Itsa baja penaewetsi liwaisi itsakuene yaniwa, baja pina pijinia waxatsi daxita wiriasikuanitsi nakaliwaisi notsiana baja jota yajawa kanakuenebijitsia, pakuenia baja naewetatsi waja isimalikuenia bajara xua nakatoyaiyataena

Kokabeno liwaisi pekopatsikuene jawabelia itsakuene yaniwa.

Itsa baja kanakuenebijitsia bajara paliwaisi pekopiarukaenexa peubijawa kokanaexi, nexata pina waxaitsi jawaberena kopiaya nakayanijobiana paliwaisi najumatabüxainatsi waja dopa xui pakuenia ata, tsipaji wajukenne apobewerewerekae wowai pejumatabükueneta ajenakonoxae nakatoyaiyataena. Tsipaji wowai saya üpetubinexa xua namitsa uba muestsia kanajeta tajüpijiwi, xuata nanekonitawanapa.



**Acuerdo
de
Paz**

Pajiwixi uba kokanaexi wowi pejumatabükueneta baja pina yawenonaenatsi kopiaya tsipaji bijiana pijairaxi yawenonaenatsi peubijawa itsakuenejawa, pijinia yawenonaenatsi pewartapaewi wajabitsaü matakabi, pamonaë ata yakanarabatsi kaekowüta jinawanapa yajanibo tsaponae, daxita yayataya yawenonaenatsi bajarapaliwaisi yabara, pewerewerekaë yaniwa jiwixi.

Pijinia baja pakujinaë kanakunebijitsia pexanebikuene ira yabara, xua müjtjüka wajabitsaü penabewanapaejawa, waxaitsijixi nakatotaena xaniawaetsia wajairaxi. Kopiaya taena Emberajiwixi pijaira Cordoba nakuatja, Jiwmonae, nukakmonae ata wawialipijiwi, Petsaebiajiwi pijinia Tumaco irapijiwi, caucapijiwi, awasikuani ata. Itsajiwixi baja pijairaxi tsane. Baja pina, Kobiernomonaë, FARC-EP unupijiwi, pakujinaë pijaliwaisi xanebiana, jumatabükawanawiaata jiwijawabelia pairaxi yaküjürüba, nukakmonae pijaira, embera katiomonaë ata, petsaebiawi ata pijairaxi.

Jiwi Pebeyebibi liwaisi. Pexanebikuena xaniawatsia ikatsia penabe yaniwa pijawajabitsaükuenia

Victimaliwaisi yabara

Pakujinaë nakuenebijitsia bajarapaliwaisi, yayataena waja naewetsikuena, pematakaponaewi jiwi, peyanatsiwi, penajorobiwi, nakuaewetsiwi. Pakujinaë liwaisi xanebijitsia xua yabara kopiaya nakayanijobiana xua najumatabüxainatsi. Pijinia baja iranakua peewetsiwi yayataenatsi totaëponaena xaniawaetsia xua baja yakinaruta ayaitabutopa liwaisibaxutotja daxita jiwixi, batsi Constitución política baxuto

Baja pina pijinia pajiwixi petiriwaxi, pewüjüatonü pamonaë najinawanapa wajabitsaü unupijijawatja, itsa baja nakuenekopatsiana pijanakuayabelia jumatabünawiaata, nexata baja pexaniakuena yawenonaenatsi jamatejema pejinawanaenaxa itsajiwixiyo piatajitsibiliwaisi yaniwa.

Penaitoxuto kaewitsi liwaisi xua nakuenebijitsia.

Baja pina xuanexa kobierno peewetsiwi bajarapaliwaisi, wajaxaitsinexa, saikaya nakatotsatiana waja kuaikuaijainexa, naitutokakaewetsianatsi, pijinia penayanijobikuena bajarapataxunaetja pematakaponaewi wajaliwaisi nakato yabara kuaikuaijai tsane waxaitsijiwixi, petsaebiawi ata yajawa. Pematamojawa bajara xuanexa, saikaya kobierno pijiwixi nakatotsatiana, baitsi jane xua baja kopiaya nawijatatsi daxitakuene liwaisi nakatoyaiyataena.

Baja saya jota paliwaisi baxuto xua yakina kopiaruka. Itsaliwaisixi yajawa naruta xua jumaitsi "Protocololiwaisianü".



**Acuerdo
de
Paz**